

■ GLOSSA

Implantats u O con grev hai jeu la sera

DA SILVIO CAMENISCH

O con grev hai jeu la sera, hai jau la sera, cur ch'ei tucca d'Ave Maria, bim, bam, bim bam. Mes dus plimatschs gross ma fan uschè grev, na faschais Vus betg in'idea, quant grev, uschè grev, uschè grev suenter ch'il di è vargà e la Saira sontga entschaiva. Wenn die Arbeit getan und der Abendfrieden endlich! beginnt. Mes implantats problematic, da la gronda grondezza tranter tuttas na laschan betg durmir mai pli ruassaivel, maindir murir. Jau, la Paulina sin il culm, na less betg stuair murir pervi da mes dus plimatschs da la grondezza quit grond! I dovra anc mai per las emissiuns Cuntrasts.

Quant'imaginada, tuppa, hai jau ma laschè implantar il docter cussins uschè gross! Jau avess er savì avair pli pitschens en mes sains. Mes sains n'eran betg pitschens, gronds, jau hai vulì els pli gronds, sco ditg, da la grondezza quit grond. Sche jau guard enturn, sin pistas da skis, da passlung e da golf, tuttas han ussa da la grondezza da garmaschia, naginas n'han pli da la grondezza pitschna. Quels paisan grev, uah!, quant grev hai jau gist la saira cun gist dus cussins, sin mai ed



en mai, sut l'epidermis. Jau na ves betg els realmain, èn gea sut l'epidermis, tuttina realmain preschents. En audienza tar il docter sin las radiografias, betg fotocopiadas betg surculadas per mauns dal postin Blocher, èn els bain da vesair. O Dieu, quant gross!

O con grev hai jeu la sera, jau savess avair pli lev, ma jau hai grev la saira. Il docter na s'empo er betg, quel manegia bain cun las dunnas, è insatgi che chapescha las dunnas. Frauenverteher. Noss umens na chapeschan betg bain nus dunnas, e sch'in chapescha bain nus dunnas, noss docter. Mes ex ha vulì che jau ma laschia implantar

gross in pau da quit grond, da nus da Trun ditg modestamain! Nus essan modests, modests lain nus viver e modestas lain nus murir. Jau la Paulina sin in culm na less betg murir!, betg sin mes culms bels. Tge sa il docter cussegliar a mai sin dumonda, e cussegl sa jau duvvar. O con grev hai jau la sera, mes ex è si e davent!

Poss jau bain pretender indemnizaziun dals donns morals e materials, enturn la summa da 120 000 francs? È betg diever abusiv, Abzockerei, sco tar noss banchers? Jau m'hai premdi in bun advocat, ussa èsi il mument da prender in pisch da capricorn (vinars). Tge han quels dus implantats lien, ma dumond jau, gist la saira cur che jau hai uschè grev e dador tutgia d'Ave Maria? Quels paisan nunditg grev sin mia staidaira da precisium, jau tschent gea sisur in a la giada, oho, tschentass jau sisur dus a la giada! Nua poss jau dar giu quest cement da betun rapid, Betonschnellbinder, e survegnir insatge retour?

O con grev hai jeu la sera, uschè grev, jau savess avair pli lev, na fissan betg mes dus cussins, mes schumellins! Pertge hai jau vulì els? Mes ex ha vulì els, per mai. Uss vul el auters, per sai.